

Voorsang: Ps. 4: 2

Ontmoetingsdiens

Votum

Seën

Lofpsalm: Ps. 33: 1 & 6

Woorddiens

Gebed

Skriflesing: Johannes 1: 1-18 (33/53)

Fokus: Johannes 1:12-13 (33/53) Heidelbergse Kategismus  
Sondag 7. v&a 20

Daar is net een manier hoe jy kan deel kry aan die verlossing en verdienste van Christus, en dit is deur om in Hom te glo. Die frase “deur geloof alleen” staan sentraal in die hele Skrif as die enigste manier hoe jy die verlossing van God ontvang. Hierdie frase is ook die fondament waarop die Reformasie uit die donker eeue van die Roomse kerk verlos is. Die Roomse kerk in die tyd van die Reformasie van Johan Hus, Marten Luther, en Johannes Calvyn, het geleer dat jy jou verlossing (en soms die verlossing van ander) kan koop deur middel van aflaatbriewe te koop. ’n Aflaatbrief is ’n s.g. brief waarin staan dat jy goddelike

werk bely of gedoen het, het jy 'n bevel ontvang wat hulle vrygestel het van straf vir hul sondes. Hierdie brief was dan bemagtig deur die Pous of deur 'n meerdere gesag in die Roomse kerk.

Hierdie dwaalleer is direk in stryd met die Skrif, en die deurlopende boodskap van die evangelie reg deur die Bybel. Ongelukkig is hierdie manier van dink vandag nog teenwoordig by die Roomse kerk, so wel as baie ander sektes en natuurlik ook kultusse. Dit is dat jy jou verlossing uit jou eie vermoëns op een of ander manier self kan bewerk, of dat die genade en verdienste van Christus nie vir jou genoeg is vir jou verlossing nie.

Mense sal byvoorbeeld redeneer: (1) Dit sal onregverdig wees teenoor die mens, dat God jou nie op grond van jou werke sal verlos nie, want alle mense deur die geskiedenis het nie die geleentheid gehad om die evangelie te hoor nie. Of hulle redeneer dat as jou verlossing alleen deur geloof kom, dit jou onverskillig sal maak en jou daartoe lei dat jy maak net wat jy wil.

Daar is ook die ander kan van die spektrum. Dit is mense wat nou sê alle mense is verlos. So lees ons mos in Johannes 3:16:

“Want so lief het God die wêreld gehad dat Hy sy eniggebore Seun gegee het, sodat elkeen wat in Hom glo, nie verlore sal gaan nie, maar die ewige lewe sal hê: (2) Die genade oorskry die sonde. As almal deur die sonde van Adam omgekom het, moet veel meer gered word deur die genade van Christus. Alle mense moet in guns ontvang word vir wie se oortredings voldoende bevrediging gemaak is. Christus het voldoende bevrediging gemaak vir die misdade van alle mense. Daarom moet almal in guns ontvang word; en as dit nie gedoen word nie, is God óf onregverdig teenoor mense, of anders is daar iets wat onvoldoende aan die verdienste van Christus.

Hierdie mense sit die pot mis, want alle mense is nie verlos nie. Net die mense wat deur die genade van God, glo in Christus, word verlos. Of soos die kategismus dit verwoord, “Word al die mense dan weer deur Christus salig soos hulle deur Adam verlore gegaan het? NEE, slegs die wat deur 'n ware geloof in Hom ingelyf word en al sy weldade aanneem.”

Die woord “ingelyf” beskryf ook die genade handeling van God, dat ons nie uit onself glo in Christus nie, maar deur die Heilige Gees wat jou geloof in jou bewerk. Die twee vertalings van die kategismus gebruik in die Duits “einverleibt” en in die Latyn, “ineruntur” wat kom van die woord “insero” wat ons die Engels

woord “insert” vandag kry. Die woord beteken, om iets in te druk of om te plant. Soos wat jy ’n saad in die grond inplant, het die saad geen aandeel gehad in sy inplanting nie. So ook het ons geen insae in ons inplanting in Christus nie.

Inplanting in Christus gebeur ook nie sonder die feit dat ons Hom ook moet aanneem nie. Ons moet ook nie verstaan dat om Christus aan te neem, jou eerste inisiatief is nie, maar jou handeling wat jy maak wanneer God jou oorweldig het met sy genade deur die werking van die Heilige Gees. Die eerste woord “aanneem” kry ons nou hier in Johannes 1:12, *“Maar almal wat Hom aangeneem het, aan hulle het Hy mag gegee om kinders van God te word, aan hulle wat in sy Naam glo...”*

Die apostel Johannes, draai nou die aandag af weg van die mense wat Christus nie aangeneem het nie in verse 10-11, na hulle wat wel Hom aangeneem het in verse 12-13. Diegene wat hom aanneem, sal baie Jode en ook heidene insluit. Om hom te ontvang beteken, soos hierdie vers aandui, om in sy Naam te glo. Om in die persoon se naam te glo, is om in die persoon te glo, want die naam staan vir die persoon. Om hom aan te neem behels die aanvaarding van die leer en die openbaring van God (die 'lig') wat hy gebring het. Hierdie Evangelie praat

herhaaldelik oor diegene wat Jesus se getuienis ontvang of nie ontvang nie.

Ons moet onthou, die rede waarom ons Christus kan aanneem, is omdat Hy ons sondes aangeneem het, en op Homself gelaai het. Daarsonder sou ons ook nie Hom kon aanneem nie, want daarsonder sou ons steeds skuldig gebly het aan die straf wat ons verdien weens ons sonde.

Aan diegene wat hom aangeneem het, het hy die reg gegee om kinders van God te word. Die woord reg vertaal (exousia) kan 'mag' of 'reg' beteken, en dit word in beide maniere in hierdie Evangelie gebruik. Die woord "reg" is dalk 'n beter vertaling, want dit is Jesus as die Woord wat die reg gee om kinders van God te word. Die volgende vers, 1:13, sê die mag om dit te doen kom van God alleen.

Diegene wat glo in Christus, word verder beskryf as kinders wat nie van natuurlike afkoms of deur 'n menslike besluit of 'n mens se wil gebore is nie, maar uit God gebore is. 'n Persoon moet weergebore word om 'n kind van God te wees. Maar hierdie geboorte is nie uit die bloed nie, m.a.w. van natuurlike afkoms uit die regte Joodse geslagslyn nie. Die woord "bloed" is in die

oorspronklike Grieks in die meervoud. In die antieke wêreld het die mense gedink dat voortplanting plaasvind deur die vermenging van bloed (van die vader en moeder).

Hier ontken Johannes dat natuurlike voortplanting NIE die manier is waarop mense kinders van God word nie. Dit word versterk deur die woorde wat volg, wat ontken dat kinders van God gebore word uit menslike besluit (letterlik: 'uit die wil van vlees [Grieks: sarx] of uit 'n man en vrou se wil). In Johannes beteken die woord 'vlees' (sarx) dikwels 'mens'. Om gebore te word uit 'die wil van die vlees' beteken om gebore te word as gevolg van die begeertes van menslike ouers.

Diegene wat kinders van God word, sê die evangelis, word uit God gebore. Hy gee hier geen verduideliking van wat dit beteken nie. Daarvoor moet ons wag tot hoofstuk 3, waar Jesus met Nikodemus praat oor die geboorte van die Gees, iets wat net so geheimsinnig is as die wind en tog voorkom in samehang met die geloof in Jesus.

*Joh. 3: 3,6-8: "Jesus antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van God nie sien nie. Wat uit die vlees*

*gebore is, is vlees; en wat uit die Gees gebore is, is gees. Moenie jou verwonder dat Ek vir jou gesê het, julle moet weer gebore word nie. Die wind waai waar hy wil, en jy hoor sy geluid, maar jy weet nie vanwaar hy kom en waarheen hy gaan nie. So is elkeen wat uit die Gees gebore is."*

Ef. 2: 8 sê, "Want uit genade is julle gered, deur die geloof, en dit nie uit julleself nie: dit is die gawe van God" Die vraag is nou, "Wat staan ons nou te doen?" As geloof dan nie uit myself kom nie, hoekom moet ek dan aktief glo? Geloof is uit die aard van die saak iets wat God in ons bewerk, tog gee Hy jou deur die Heilige Gees die krag om te wil glo. Die Heilige Gees vernuwe jou van binne sodat jy Christus wil aanneem en omhels. Die geloof wat God in jou bewerk is nie 'n passiewe geloof nie, maar 'n aktiewe een.

Jou geloof gaan met ander woorde oor na geloof wat aktief die gultenis van Christus aanneem. Die gultenis van Christus verskyn regdeur die Woord van God, en God vra van ons om dit te omhels. Ons is immers nie net die reg gegee om kinders van God genoem te word nie, maar soos die Afrikaans dit vertaal, die "mag" gegee. Die Heilige Gees gee ons immers daaglik die mag en krag om Christus se weldade te omhels, en om voortaan vir Hom te leef.

Diegene wat verlore gaan, gaan nog steeds verlore omdat hulle verhard is teen die evangelie, een neem nie die evangelie aan nie en omhels dit nie uit hulle eie toedoening. Die feit dat ons Christus wel kan aanneem, bly die genade van God.

Antwoorddiens

Gebed

Liefdegawe

Slotsang: Sb. 5-4: 1,2, 5, 6

Seën